

漢書門			
類	號	函	架
二	二	一	八
二	二	一	八
二	二	一	八

內閣文庫			
漢	書	類	號
二	二	一	八
二	二	一	八
二	二	一	八

內閣文庫			
番號	漢	2281	
冊數	11	(2)	
函號	290	58	

0 1 2 3 4 5 6 7 8 9 10


A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





新刻古列女傳卷之二

目錄

賢明

一 周宣姜后

二 齊桓衛姬


三 晉文齊姜

四 秦穆公姬

五 楚莊樊姬

六 周南之妻

七 宋鮑女宗



八 晉趙衰妻

九 陶谷子妻

十 柳下惠妻


十一 魯黔婁妻

十二 齊相御妻

十三 楚接輿妻

十四 楚老萊妻

十五 楚於陵妻



新刻古列女傳卷之二

漢 光祿大夫劉向子政 撰
明 錢唐後學胡文煥德甫校

賢明傳

一 周宣姜后

周宣姜后者齊侯之女也賢而有德事非禮不言行
非禮不動宣王常早卧晏起后夫人不出房姜后脱
簪珥待罪於永巷使其傳母通言于王曰妾之不才
妾之淫心見矣至使君王去禮而晏朝以見君王樂
色而忘德也夫苟樂色必好奢窮欲亂之所興也原

亂之興從婢子起敢請婢子之罪王曰寡人不德寔
自有過非夫人之罪也遂復姜后而勤于政事早朝
晏退卒成中興之名君子謂姜后善于威儀而有德
行夫禮后夫人御于君以燭進至于君所滅燭適房
中脱朝服衣褻服然後進御于君鷄鳴樂師擊鼓以
告旦后夫人鳴佩而去詩曰威儀抑々德音秩々又
曰隰桑有阿其葉有幽既見君子德音孔膠夫婦人
以色親以德固姜氏之德行可謂孔膠也

頌曰 嘉茲姜后 厥德孔賢 由禮動作 匡配周宣
引過推讓 宣王悟焉 夙夜崇道 為中興君

二 齊桓衛姬

衛姬者衛侯之女齊桓公之夫人也桓公好淫樂衛姬為之不聽鄭衛之音桓公用管仲甯戚行伯道諸侯皆朝而衛獨不至桓公與管仲謀伐衛朝入閨衛姬望見桓公晚簪珥解環珮下堂再拜曰願請衛之罪桓公曰吾與衛無故姬何請邪對曰妾聞之人君有三色顯然喜樂容貌淫樂者鐘鼓酒食之色寂然清靜意氣沉抑者喪禍之色忿然充滿手足矜動者攻伐之色今妾望君舉趾高色厲音揚意在衛也是以請也桓公許諾明日臨朝管仲趨進曰君之蒞朝



也恭而氣下言則徐無伐國之志是釋衛也桓公曰
 善乃立衛姬為夫人號管仲為仲父曰夫人治內管
 仲治外寡人雖愚足以立于世矣君子謂衛姬信而
 有行詩曰展如之人兮邦之媛也

頌曰

齊桓衛姬 忠款誠信 公好浮樂 姻為修身
 望色請罪 桓公加焉 厥使治內 立為夫人



二 晉文齊姜

齊姜齊桓公之宗女晉文公之夫人也初文公父獻公納驪姬譖殺太子申生文公號公子重耳與舅犯奔狄適齊齊桓公以宗女妻之遇之甚善有馬二十乘將死于齊曰人生安樂而已誰知其他子犯知文公之安齊也欲行而患之與從者謀于桑下驪妾在焉妾告姜氏姜殺之而言于公子曰從者將以子行聳者吾已除之矣公子必從吾可以貳二無成命自子去晉晉無寧歲天未亡晉有晉國者悲子而誰子其勉之上帝臨子貳必有咎公子曰吾不動必死於

此矣姜曰不可周詩曰莘莘征夫每懷靡及夙夜征行猶恐無及况縱欲懷安將何及矣人不求及其能及亂不長世公子必有晉公子不聽姜與舅犯謀醉載之以行酒醒公子以戈逐舅犯曰若事有濟則可無所濟吾食舅氏之肉豈有饜哉遂行過曹邾鄭楚而入秦秦穆公乃以兵內之于晉晉人殺懷公而立公子重耳是為文公迎齊姜以為夫人遂伯天下為諸侯盟主君子謂齊姜潔而不瀆能有君子于善詩曰彼姜孟姜可與寤言此之謂也

頌曰



齊姜公正
 言行不怠
 勸勉晉文
 反國無疑
 公子不聽
 姜與犯謀
 醉而載之
 卒成伯基

齊姜公之正也言行不怠勸勉晉文反國無疑公子不聽姜與犯謀醉而載之卒成伯基

四 秦穆公姬

穆姬者秦穆公之夫人晉獻公之女太子申生之同
母姊與惠公異母賢而有義獻公殺太子申生逐群
公子惠公號公子夷吾奔梁及獻公率得因素秦立始
即位穆姬使納羣公子曰公族者君之根本惠公不
用又背秦賂晉饑請粟于秦秦與之秦飢請粟于晉
晉不與秦遂興兵與晉戰獲晉君以歸秦穆公曰掃
除先人之廟寡人將以晉君見穆姬聞之乃與太子
瑩公子弘與簡錡衰絰履新以迎旦告穆公曰上天
降災使而君羅以玉帛相見乃以興我婢子姊妯不


能相教以辱君命晉君朝以入婢子夕以死惟君其
圖之公懼乃舍諸靈臺大夫請以入公曰獲晉君以
功歸今以喪歸將焉用遂改館晉君饋以七牢而遣
之穆姬死穆姬之弟重耳入秦送之晉是為晉文
公太子瑩思母之恩而送其舅氏也作詩曰我送舅
氏曰至渭陽何以贈之路車乘黃君子曰慈母生孝
子詩云敬慎威儀維民之則穆姬之謂也

頌曰

秦穆夫人 晉惠之姊 秦執晉君 夫人流涕
痛不能救 乃將赴死 穆公羨之 遂釋其弟

五 楚莊樊姬

楚姬者楚莊王之夫人也。莊王即位好狩獵，樊姬諫不止，乃不食禽獸之肉。王改過勤於政事，王嘗聽朝，罷晏姬下殿，迎曰：「何罷晏也？」得無飢倦乎？王曰：「與賢者俱，不知飢倦也。」姬曰：「王之所謂賢者何也？」曰：「虞丘子賢子也，姬掩口而笑，王曰：「姬之所笑何也？」曰：「虞丘子賢則賢矣，未忠也。」王曰：「何謂也？」對曰：「妾執巾櫛十一年，遣人之鄭衛求樂人，進于王，今賢于妾者二人同列者，七人妾豈不歎擅王之愛寵乎？妾聞堂上蕙女，所以觀人能也，妾不能以私蔽公，欲王多見知，人能也。」



妾聞虞丘子相楚十餘年巫薦非子弟則族昆弟未
聞進賢退不肖是蔽君而塞賢路知賢不進是不忠
不知其賢是不智也妾之所笑不亦可乎王悅明日
王以姬言告虞丘子丘子避席不知所對于是避舍
使人迎孫叔敖而進之王以為令尹治楚三年而莊
王以霸楚史書曰莊王之霸樊姬之力也詩曰大夫
夙夜無使君勞其君者謂女者也又曰溫恭朝夕執
事有恪此之謂也

頌曰

樊姬謙讓

靡有嫉妬

薦進美人

與已同處

非刺虞丘

蔽賢之路

楚莊困焉

功業遂伯

六 周南之妻

周南之妻者周南大夫之妻也大夫受命平治水土
過時不來妻怨其懈于壬事蓋與其隣人陳素所與
大夫言國家多難惟勉強之無有譴怒遺父母憂昔
舜耕于歷山漁于雷澤陶于河濱非舜之事而舜為
之者為養父母也家貧親老不擇官而仕親操井臼
不擇妻而娶故父母在當與時小同無虧大義不罹
患害而已夫鳳皇不罹于蔚羅麒麟不入于陷穽蛟
龍不及于枯澤鳥獸之智猶知避害而況于人乎生
于亂世不得道理而迫于暴虐不得行義然而仕者



為父母在故也乃作詩曰魴魚頰尾王室如毀雖則
 如毀父母孔邇蓋不得已也君子以是知周南之妻
 而能匡夫也

頌曰

周大夫妻 夫出治土 維戒無怠 勉為父母
 凡事遠周 為親之在 作詩魴魚 以勅君子



七 宋鮑女宗

女宗者宋鮑蘇之妻也養姑甚謹鮑蘇仕衛三年而娶外妻女宗養姑愈敬因往來者請問其夫賂遺外妻甚厚女宗如謂曰可以去矣女宗曰何故如曰夫人既有所好子何留乎女宗曰婦人醜不改夫死不嫁執麻枲治絲繭織組紉以供衣服以事夫室澈漠酒醴羞饋食以事舅姑以專一為貞以善從為順豈以專夫室之愛為善哉若其以淫意為心而扼夫室之好吾未知其善也夫禮天子十二諸侯九卿大夫三士二今吾夫誠士也有二不亦宜乎且婦人

有七見去方無一去義七去之道妬正為首淫僻竊盜長舌驕侮無子惡病皆在其後吾如不教吾以居室之禮而反欲使吾為見棄之行將安所用此遂不聽事姑愈謹宋公聞之表其閭號曰女宗君子謂女宗謙而知禮詩云念像念色小心翼翼古訓是式威儀是力此之謂也

頌曰

宋鮑女宗 好禮知理 夫有外妻 一不為變已
稱引婦道 不聽其如 宋公賢之 表其閭里

八 晉趙衰妻

晉趙衰妻者晉文公之女也號趙姬初文公為公子時與趙衰奔狄狄人入其二女叔隈季隗于公子公以叔隈妻趙衰生胤及反國文公以其女趙姬妻趙衰生原同屏括樓嬰趙姬請迎胤與其母而納之趙衰辭而不敢姬曰不可夫得寵而忘舊舍羨好新而慢故無恩與人勤于隘厄富貴而不顧無禮君棄此三者何以使人雖妾亦無以待執中柳詩不云乎采芣采菲無以下體德音莫遠及尔同死與入同寒苦雖有小過猶與之同死而不去况于安新忘舊乎又



曰譙爾新婦不我屑以蓋傷之也君其逆之無以新
廢舊趙衰許諾乃逆叔隗與盾來姬以盾為賢請立
為嫡子使三子下之以叔隗為內婦姬親下之及盾
為平卿思趙姬之讓恩請以姬之中子屏括為公族
大夫曰君姬氏之愛子也微君姬氏則臣狄人也何
以此成公許之屏括遂以其族為公族大夫君子
謂趙姬恭而有讓詩曰溫溫恭人維德之基趙姬之
謂也

頌曰

趙衰姬

制行分明

身雖尊貴

不妬偏房

躬事叔隗

子盾為嗣

君子美之

厥行孔備



九 陶谷子妻

陶大夫答子妻也答子治陶三年名譽不興家富三倍其妻數諫不用居五年從車百乘歸休宗人擊牛而賀之其妻獨抱兒而泣姑怒曰何其不祥也婦曰夫子能薄而官大是謂嬰害無功而家昌是謂積殃昔堯令尹子文之治國也家貧國富君故民戴故福結于子孫名傳于後世今夫子不然貪富務大不顧後害妾聞南山有玄豹霧雨七日而不下食者何也欲以澤其毛而成文章也故藏而遠害犬豕不擇食以肥其身坐而須死耳今夫子治陶家富國貧君不



敬民不戴敗亡之徵見矣顧與少子俱脫姑怒遂棄
 之處暮年答子之家果以盜誅唯其母老以免婦乃
 與少子歸養姑終卒天年君子謂答子妻能以義處
 利雖違禮求去終以全身復禮可謂遠識矣詩曰百
 爾所思不如我所之此之謂也

頌曰

答子治陶 家富三倍 妻諫不聽 知其不改
 獨泣姑怒 送厥母家 答子逢禱 復歸養姑



十 柳下惠妻

魯大夫柳下惠之妻也柳下惠處魯三黜而不去憂
民救亂妻曰無乃瀆乎君子有二恥國無道而貴恥
也國有道而賤恥也今當亂世三黜而不去亦近恥
也柳下惠曰沖之民將陷于害吾能以乎且彼為
彼我為我彼雖裸裎安能污我沖之然與之處仕于
下位柳下既死門人將諫之妻曰將諫夫子之德耶
則二三子不如妾知之也乃諫曰夫子之不伐兮夫
子之不竭兮夫子之信誠而與人無害兮屈柔從容
不強察兮蒙恥救民德猶大兮雖遇三黜終不蔽兮


愷悌君子永能厲兮嗟呼惜哉乃下世兮庶幾遐年
今遂逝兮嗚呼哀哉魂神世兮夫子之謚宜為惠兮
門人從之以為諫莫能竄一字君子謂柳下惠妻能
光其夫矣詩曰人知其一二莫知其其他此之謂也

頌曰

下惠之妻 賢明有起 柳下既死 門人必存
將諫下惠 妻為之辭 陳列其行 莫能易之

十一 魯黔婁妻

魯黔婁先生之妻也先生死曾子與門人往平之其妻出戶曾子弔之上堂見先生之尸在牖下枕墊席豪緼絕不來覆以布被手足不盡歛覆頭則足見覆足則頭見曾子曰斜引其被則歛矣妻曰斜而有餘不如正而不足也先生以不斜之故能至于此生時不邪死而邪之非先生意也曾子不能應遂哭之曰嗟乎先生之終也何以為謚其妻曰以康為謚曾子曰先生在時食不充口衣不蓋形死則手足不歛旁無酒肉生不得其美死不得其榮何樂于此而謚為



康乎其妻曰昔先生君嘗欲授之政以為國相辭而
 不為是有餘貴也君嘗賜之粟三十鍾先生辭而不
 受是有餘富也彼先生者甘天下之淡味安天下之
 卑位不戚于貧賤不忻于富貴求仁而得仁求
 義而得義其謚為康不亦宜乎曾子曰唯斯人也而
 有斯婦君子謂黔婁妻為樂貧行道詩曰彼美泚白
 可與寤言此之謂也

頌曰

黔婁既死 妻獨主喪 曾子出焉 布衣褐裳
 去賤其淡 不求豐美 尸不掩蔽 猶謚曰康



【十】齊相御妻

齊相晏子，僕御之妻也。號曰命婦。晏子將出，命婦窺其夫為相，御擁大蓋，策駟馬，意氣洋洋，甚自得也。既歸，其妻曰：「宜矣！子之卑且賤也。」夫曰：「何也？」妻曰：「晏子長不滿三尺，身相齊國，名顯諸侯。今者吾從門間觀其志氣，恂乎自下，思念深矣。今子身長八尺，乃為之僕御耳。然子之意洋洋，若自足者，妾是以去也。」其夫謝曰：「請自改。何如？」妻曰：「是懷晏子之智而加以八尺之長也。夫躬行義事，明主其名必揚矣。且吾聞寧榮于羨而賤，不虛驕以貴。子是其夫，乃深自責，寧道謙。」

遜常羞不足，晏子恠而問其故。具以實對。于是晏子賢其能，納善自改。升諸景公，以為大夫。顯其妻以為命婦。君子謂命婦知善，故賢人之所以成者，其道博矣。非特師傳朋友相與切磋也。妃匹亦居多焉。詩云：高山仰止，景行行止。言當常嚮為其善也。

頌曰

齊相御妻 匡夫以道 明言驕恭 抑恂自效
夫改易行 學問靡已 晏子升之 列于君子

十三 楚接輿妻

楚狂接輿之妻也接輿躬耕以為食楚王使使者持金百鎰車二駟往聘迎之曰王願請先生治淮南接輿笑而不應使者遂不得與語而去妻從市來曰先生少而為義豈將老而遺之哉門外車跡何其深也接輿曰王不知吾不肖也欲使我治淮南遣使者持金駟來聘其妻曰得無許之乎接輿曰夫富貴者人之所欲也子何惡我許之矣妻曰義士非禮不動不為貪而易操不為賤而改行妾事先生躬耕以為食親績以為衣食飽衣暖據義而動其樂亦自足矣若



受人車祿乘人堅良食人肥鮮而將何以待之接輿
 曰吾不許也妻曰君使不從非忠也從之又違非義
 也不如去之夫負釜甑妻戴紵器變名易姓而遠徙
 莫知所之君子謂接輿妻為樂道而遠害夫安負賤
 而不急于道者唯至德者能之詩曰肅肅兔置椽之
 丁丁言不急于道也

頌曰

接輿之妻 亦安負賤 雖歆進仕 見時暴亂
 楚聘接輿 妻請避館 戴紵易姓 終不遭難



十四 楚老萊妻

楚老萊子之妻也萊子逃世耕於蒙山之陽葭墻蓬
室木牀著席衣緇食菽墾山播種人或言之楚王曰
老萊賢士也王欲聘以璧帛恐不來楚王駕至老萊
之門老萊方織畚王曰寡人愚陋獨守宗廟願先生
幸臨之老萊子曰僕山野之人不足守政王復曰守
國之孤願變先生之志老萊子曰諾王去其妻戴畚
萊挾薪樵而來曰何車迹之衆也老萊子曰楚王欲
使吾守國之政妻曰許之乎曰何妻曰妾聞之可食
以酒肉者可隨以鞭撻可授以官祿者可隨以鈇鉞

今先生食人酒肉受人官祿為人所制也能免於患
乎妾不能為人所制投其畚萊而去老萊子曰子還
吾為子更慮遂行不顧至江南而止曰鳥獸之解毛
可績而衣之掘其遺粒足以食也老萊子乃隨其妻
而居之民從而家者一季成落三年成聚君子謂老
萊妻果於從善詩曰衡明之下可以棲遲泌之洋
可以療飢此之謂也

頌曰

老萊與妻

逃世山陽

蓬蒿為室

莞葭為蓋

楚王聘之

老萊將行


妻曰世亂

乃遂逃亡

十五 楚於陵妻

楚於陵子終之妻也。楚王聞於陵子終賢，欲以為相。使使者持金百鎰往聘，迎之於陵。子終曰：「僕有箕箒之妾，請入與計之。」即入謂其妻曰：「楚王欲以我為相，遣使者持金來，今日為相，明日結駟連騎，食方丈，于前可乎？」妻曰：「夫子織屨以為食，非與物無治也。」左琴右書，樂亦在其中矣。夫結駟連騎，所安不過容膝；食方丈於前，甘不過一肉。今以容膝之安，一肉之味，而懷楚國之憂，其可樂乎？亂世多害，妾恐先生之不保命也。于是子終出謝使者而不許也。遂相與逃而為





人灌園君子謂於陵妻為有德行詩云惜良人秩
秩德音此之謂也

頌曰

於陵處楚 王使聘焉 入與妻謀 懼世亂煩
進往遇害 丕若身安 左琴右書 為人灌園

新刻古列女傳卷之二終

